

BASSENGSPESIALISTEN AS
OSLOVEIEN 234
1538 MOSS

Dispensasjon frå byggjegrense - basseng - gnr 10 bnr 9 - fv 5458 - Ostereidet - Alver kommune

Vi viser til søknad av 30.10.2020.

Vedtak

Med heimel i veglova § 30 og § 34 gir vi dispensasjon frå byggjegrensa mot fylkesveg 5458 for å plassere basseng på gnr. 10 bnr. 9 i Alver kommune.

Vilkår for dispensasjonen

1. Tiltaket skal vera i samsvar med situasjonsplan, datert 30.10.2020.
2. Avstanden frå basseng til senterlina på fv. 5458 Stranda skal vera minst 15 meter.
3. Dersom tiltaket vil føra til endringar i samband med tilkomsttilhøva for eigedomen, må det framleis vera opparbeidd tilstrekkeleg areal til å kunne snu på eigedomen for å unngå rygging på offentlig veg. Siktkrav til eigedomen si avkøyrslø må følgjast.
4. Bassenget må ikkje brukast til andre føremål enn det dispensasjonen gjeld.
5. Det kan ikkje krevjast erstatning for skadar og ulemper som følgje av at bassenget ligg nær fylkesveg 5458.
6. Arbeidet må vera starta opp innan tre - 3 - år frå dispensasjonen er gitt, om ikkje fell dispensasjonen bort.

Bakgrunn for vedtaket

Byggegrensene skal ta vare på trafikktryggleik, vedlikehald og drift av vegnettet, arealbehov ved ei eventuell utviding av vegen, og miljøet på eigedomane langs vegen.

Etter tett og god dialog med utbyggar har vi komen fram til at tiltakets art og omfang ikkje vil ha negative verknadar for trafikktryggleiken på staden. Bassenget vil vere av glassfiber. Det vil vere 7 m langt og 1,7 m djupt på det djupaste. Vi vurderer det slik at det skal vere mogeleg å flytte dette, dersom det vert nødvendig pga eventuell vegutbetring i framtida.

Rett til å klage

Ein kan klage på vedtaket, jf. forvaltningslova § 28. Informasjon om å sette fram klage, går fram av skjemaet «Melding om rett til å klage over forvaltningsvedtak». Fristen for å klage er tre veker frå vedtaket vart motteke. Klageinstansen er Klagenemnda for Vestland fylkeskommune. Send klagen til Vestland fylkeskommune, post@vlfk.no eller Postboks 7900, 5020 BERGEN. Klagen vil bli sendt vidare til klageinstansen.

Du har rett til å gjere deg kjent med saka sine dokument, jf. forvaltningslova § 18.

Med helsing

Kari Elster Moen
senioringeniør

Sara Nordahl
rådgjevar

Brevet er elektronisk godkjent og har difor inga handskriven underskrift